

演 講
談 話

中山全書

上海中山書局印行

目錄

演講

中華可建設共和國之理由·····	一
社會主義派別及方法·····	五
學生須以革命精神努力學問·····	二七
革命一成即享幸福斷無此理·····	三五
黨爭乃代流血之爭·····	三九
對黨與政府之重要關係·····	四三
救中國之急務·····	四七
鞏固中華民國基礎方針·····	五三
解決中國問題方法·····	五五
三民主義·····	六一
三民主義爲造成全世界工具·····	七七

知難行易·····	八七
欲改造新國家當實行三民主義·····	一〇一
廣西善後方針·····	一〇五
廣西應開闢道路·····	一〇七
統一中國非北伐不為功·····	一〇九
實行三民主義及開發富源方法·····	一一三
黨員須研究三民主義·····	一二七
軍人精神教育·····	一二三
和平統一化兵為工·····	一五九
黨員不可存心做官發財·····	一六五
國民要以人格救國·····	一七五
打破舊思想要用三民主義·····	一八九
學生要立志做大事不可做大官·····	二〇三
革命成功全賴宣傳主義·····	二一五
革命軍必須以一當百·····	二三一

革命最後一定成功·····	二二三
革命軍成功在乎黨員有團體·····	二四一
中國現狀及國民黨改組問題·····	二四五
主義勝過武力·····	二四九
組織國民政府案之說明·····	二五三
關於民生主義之說明·····	二五七
國民黨宣言旨趣之說明·····	二六一
政黨之精神在黨員不在領袖一人·····	二六三
黨員之奮鬥同于軍人之奮鬥·····	二六七
救國救民之責任在革命軍·····	二七三
革命軍之真精神·····	二八三
革命軍成功始得享國民幸福·····	二九九
世界道德新潮流·····	三一五
中國工人所受不平等條約之害·····	三一九
女子要明白三民主義·····	三二九

同胞要實行三民主義(卽留聲機片詞).....	三四七
革命基礎在高深學問.....	三五一
商民應與政府通力合作.....	三六三
銀行最高的信用『兌現』.....	三六八
向農民宣傳真爲他們謀利益.....	三七五
革命成功個人不能自由團體要有自由.....	三八一
國民會議爲解決中國內亂之法.....	三九三
學生須贊成國民會議.....	四〇七
中國內亂之因.....	四一三
日本應助中國廢除不平等條約.....	四二七
大亞洲主義.....	四三三

中華可建設共和國之理由

對日本留學界之演講

民國紀元前

鄙人往年。提倡民族主義。應而和之者。特會黨之一耳。至於中流社會以上之人。實爲寥寥。曾幾何時。思想進步。民族主義。大有一日千里之勢。充布於各種社會之中。殆無不認革命爲必要者。雖鄙人之愚。以其曾從事於民族主義。爲諸君所歡迎。此誠足爲我國賀也。願諸君之來日本也。在吸取其文明也。然而日本之文明。非其固有者。前則取之於中國。後則師資於泰西。若中國以其固有之文明。轉而用之。突駕日本。無疑也。

中國不僅足以突駕日本也。鄙人此次由美而英而德法。古時所謂文明之中心點。如埃及及希臘羅馬等。皆已不可復觀。近日阿利安民族之文明。特發達於數百年前。我中國之文明。已著於五千年前。此爲西人所不及。但中國傾於保守。故讓西人獨步。然近今十年思想之變遷。有異常之速度。以此速度推之。十年二十年之後。不難舉西人之文明而盡有之。卽或勝之焉。亦非不可能之事也。蓋各國無不由舊而新。

英國倫敦先無電車。惟用馬車。日本亦然。鄙人去日本。未二年。其再來而迥如隔世。前之馬車。今已悉

改爲電車矣。謂數年後之中國。而仍如今日之中國。有是理乎。中國土地人口。爲各國所不及。吾儕生在中國。實爲幸福。各國賢豪。欲得如中國之舞台者。利用之而不可。吾儕既據此大舞台。而反謂無所藉手。蹉跎歲月。寸功不展。使此絕妙河山。仍爲異族所據。至今無有能光復之。而建一大共和國。以表白於世界者。豈非可羞之極者乎。

西人知我不能利用此土地也。乃始狡然思逞。中國見事情日迫。不勝危懼。然苟我發憤自雄。西人將見好於我不遑。豈敢圖我。我不思自立。惟以懼人爲事。豈計之得者耶。

所以鄙人無他。惟願諸君將振興中國之責任。置之於自己肩。上。昔日本維新之初。亦不過數志士爲之原動耳。僅三十餘年。而躋於六大國之一。以吾儕今日爲之。獨不事半功倍乎。

有謂中國今日無一不在幼稚時代。殊難望其速效。此實不然。各國發明機器。類皆積數十百年始能成一物。仿而效之者。歲月之功已足。中國之情況。亦猶是耳。

又有謂各國山野蠻而專制。由專制而君主立憲。由君主立憲而始共和。次序井然。斷難躡等。中國今日。亦祇可爲君主立憲。不能躡等而爲共和。此說亦謬。於築修鐵路。可以知之矣。鐵路之汽車。始極粗惡。繼漸改良。中國而修鐵路也。將用其最初極惡之汽車乎。抑用其最近改良之汽車乎。於此取譬。是非較然矣。

且夫非律賓之人。土番也。而能拒西班牙美利堅二大國。以謀獨立。而建共和。北美之黑人。前此皆羣

如施參今皆得爲自由之民。言中國不可共和。誣中國人曾菲律賓賓美黑奴之不若也。烏乎可。所以吾儕不可謂中國不能共和。如謂不能。是反夫進化之公理也。是不知文明之眞象也。且世界立憲。亦必以流血得之。方稱爲眞立憲。同一流血。何不爲直截了當之共和。而爲此不完不備之立憲乎。語曰。取法乎上。僅得其中。擇其中而取法之。是豈智者所爲耶。鄙人願諸君於是等謬想。淘汰潔淨。從最上之改革著手。則同胞幸甚。中國幸甚。

發

請

中華可憲政共和國之理由

四

社會主義之派別及方法

對中國社會黨演講詞

民國元年三月初一日

社會主義之名詞。發於十九世紀之初。其概說既廣。其定義自難。特此種主義。本我人類腦中應具之思想。不滿意於現社會種種之組織。而思有以改良。於是乎社會主義之潮流。得應時順勢而趨向於我人之腦海。種種社會主義之學理。得附社會主義之名詞。而供我人之研究討論矣。嘗考歐西最初社會主義之學說。即爲『均產派』。主張合貧富各有之貨財而均分之。貧富激戰之風潮既烈。政府取締之手續亦嚴。政府取締之手續既嚴。黨人反抗之主張益厲。無政府主義之學說。得以逞於當時。而真正純粹之社會主義。遂湮沒於雲霧之中。漂渺而不可以跡。厥後有德國麥克司者出。苦心孤詣。研究資本問題。垂三十年之久。著爲資本論一書。發闡真理。不遺餘力。而無條理之學說。遂成爲有統系之學理。研究社會主義者。咸知所本。不復專迎合一般粗淺激烈之言論矣。惟現在社會主義。尙未若數理天文等學。成爲完全科學。故現在進行。尙無一定標準。將來苟能成爲科學一種。則研究措施。更易着手。

社會係對待個人而言。社會主義亦係對待個人主義而言。英國尊重個人。主張極端的自由。德國以

國家爲本位。個人爲國家分子。又甯犧牲而不惜也。此則以其國家政體之不同。故其主義亦因之而有異。主張個人主義者。莫不反對社會主義。主張社會主義者。又莫不反對個人主義。聚訟紛紜。莫衷一是。然而個人社會。本大我小我之不同。其理可互相發明。而未可以是非之也。

社會學與社會主義。固自有別。其研究社會之起原。及社會之變遷。種種之狀態現象。皆屬於社會學之範圍。至若社會主義。一言以蔽之。曰社會生計而已矣。其主張激烈。均分富人之貲財者。於事理上既未能行。於主義上亦未盡合。故欲主張平均社會生計。必另作和平完善之解決。以達此社會主義之希望。考諸歷史。我國固素主張社會主義者。井田之制。卽均產主義之濫觴。而累世同居。又共產主義之嚆矢。足見我國人民之腦際。久蘊蓄社會主義之精神。宜其進行之速。有一日千里之勢也。

歐洲社會黨。係完全政黨性質。近年以來。尤占政治上之勢力。若法若德若比。其政府議院中人。社會黨員居其多數。英則四五年前。社會黨人始占議席。然而同時被選。卽有數十人之衆。且有位於度支大臣者矣。美之社會黨。雖未發達。然其黨人居政治上重要位置者。實繁有徒。中國社會黨。發生於民主政體之下。夫民主政體之政治。一人民政治也。社會黨既集民主政體下之人民。尤不應無政治上之活動。則今日社會黨亟宜組成強有力之政黨。握政治上之勢力。而實行其社會主義之政策者。實鄙人所深望也。

社會主義不獨爲國家政策之一種。其影響於人類世界者。既重且大。循進化之理。由天演而至人爲。

社會主義實爲之關鍵。動物之強弱。植物之榮衰。皆歸之於物競天擇。優勝劣敗。進化學者。遂舉此例。以例人類國家。凡國家強弱之戰爭。人民貧富之懸殊。皆視爲天演淘汰之公例。故達爾文之主張。謂世界僅有強權而無公理。後起學者。隨聲附和。絕對以強權爲世界唯一之真理。我人訴諸良知。自覺未敢贊同。誠以強權雖合於天演之進化。而公理實難混於天賦之良知。故天演淘汰爲野蠻物質之進化。公理良知實道德文明之進化也。社會組織之不善。雖限於天演。而改良社會之組織。或者人爲之力。尚可及乎社會主義。所以盡人所能。以挽救天演界之缺憾也。其所主張。原欲推翻弱肉強食優勝劣敗之學說。而以和平慈善。消滅貧富之階級於無形。其主張均分富人之貲財。表面似合於均產之旨。實則一時之均。而非永久之均也。故欲永弭貧富之階級。似不得不舍此而另作他圖矣。社會主義學說。近日發明者。至繁且夥。法德比各政府。多採用而履行之。即反對社會黨者。若日本。亦未嘗不採用社會政策。而其反對社會黨人者。實以其主張激烈。妨礙秩序。爲法律所不許耳。我國社會主義流行伊始。尤望黨人持和平之態度。與政府連絡。共圖進行。緣社會主義。本與專制政體極不相能。故不能存於專制政體之下。今我國社會黨發生於民主政體成立時。此誠不易得之機也。得此良好之機。而不得循序漸進。造福前途。詎不大可惜乎。此鼓吹運動者。不得不稍注意也。

嘗考社會主義之派別。爲（一）共產社會主義。（二）集產社會主義。（三）國家社會主義。（四）無政府社會主義。在英德又有所謂宗教社會主義。世界社會主義。其以宗教世界而範圍社會主義者。皆未

適當。自予觀之。則所謂社會主義者。僅可區爲二派。一卽集產社會主義。一卽共產社會主義。蓋以國家社會主義。本屬於集產社會主義之中。而無政府社會主義。又屬於共產社會主義者也。夫所謂集產云者。凡生利各事業。若土地、鐵路、郵政、電氣、鑛產、森林。皆爲國有。共產云者。卽人在社會之中。各盡所能。各取所需。如父子昆弟同處一家。各盡其生利天能。各取其衣食所需。不相妨害。不相競爭。至治之極。政府遂處於無爲之地位。而歸於消滅之一途。兩相比較。共產主義本爲社會主義之上乘。然今日一般國民道德之程度。未能達於極端。盡其所能。以求所需者尙居少數。任需所取。而未嘗稍盡所能者。隨在皆是。於是盡所能者。其所盡未必充分之能。而取所需者。其所取恐又爲過量之需矣。狡猾誠實之不同。其勤惰苦樂亦因之而不同。其與真正之社會主義反相抵觸。說者謂可行於道德智識完美之後。然斯時人民道德智識。既較我人爲高。自有實行之力。何必我人之窮思竭慮。籌畫於數千年之前乎。我人既爲今日之人民。則對於今日有應負之責任。似未可放棄。今日我人應負之責任。而爲數千年後之人民負責任也。故我人處今日之社會。卽應改良今日社會之組織。以盡我人之本分。則主張集產社會主義。實爲今日唯一之要圖。凡屬於生利之土地、鐵路。收歸國有。不爲一二資本家所壟斷漁利。而失業小民。務使各得其所。自食其力。既可補救天演之缺憾。又深合於公理之平允。斯則社會主義之精神。而和平解決貧富之激戰矣。

我人所抱之唯一宗旨。不過平其不平。使不平者底於平而已矣。滿清以少數人壓制我多數漢人。故

種族革命以起。專制政體以一帝王壓制我多數人民。故政治革命以起。至社會革命。原起於少數大資本家之壓制多數平民耳。在各國貧富之階級相差甚遠。遂釀成社會革命。有不革不了之勢。在我國之大資本家。尙未發生。似可無庸言及社會革命。然而物質文明。正企業家縱橫籌展之時。將來資本大家之富。必有過於煤油鋼鐵大王者。與其至於已成之勢。而思社會革命。何如防微杜漸。而弭此貧富戰爭之禍於未然乎。譬諸歐西各國。疾已纏身。不得不投以猛劑。我國尙未染疾。尤宜注意於衛生之道。社會主義者。謂爲療疾之藥石可也。謂爲衛生之方法亦可也。惟我國與各國社會之狀態不同。則社會主義施展之政策。遂亦因之而有激烈和平之不同矣。各國尙多反對社會主義之政府。我國則極贊成採用社會主義者也。然則我國主張社會主義之學子。當如何斟酌國家社會之情形。而鼓吹一種和平完善之學理。以供政府之採擇乎。

社會主義者。人道主義也。人道主義。主張博愛平等自由。社會主義之真髓。亦不外此六者。實爲人類之福音。我國古代。若堯舜之博施濟衆。孔丘尙仁。墨翟兼愛。有近似博愛也者。然皆狹義之博愛。其愛不能普及於人人。社會主義之博愛。廣義之博愛也。社會主義爲人類謀幸福。普遍普及。地盡五洲。時歷萬世。蒸蒸日上。莫不被其澤惠。此社會主義之博愛。所以得博愛之精神也。

然爲人類謀幸福。其着手之方法。將何自乎。自不得溯人類致苦之原因。人類之在社會。有疾苦幸福之不同。生計實爲其主動力。去人類之生活。亦莫不爲生計所限制。是故生計完備。始可以存。生計斷

絕。終歸於淘汰。社會主義。既欲謀人類之幸福。當先謀人類生存。既欲謀人類之生存。當研究社會之經濟。故社會主義者。一人類經濟主義也。經濟學者。專從經濟一方面着想。其學說已成爲完全之科學。社會主義。係從社會經濟方面着想。欲從經濟學之根本解決。以補救社會上之疾苦耳。

按經濟學本濫觴於我國管子者。經濟家也。與鹽魚之利。治齊而致富強。特當時無經濟學之名詞。且無條理。故未能成爲科學。厥後經濟之原理。成爲有統系之學說。或以富國學名。或以理財學名。皆不足以賅其義。惟經濟二字。似稍近之。經濟學之概說。千端萬緒。分類周詳。要不外乎生產分配二事。生產卽物產。及人工製品。而分配者。卽以所產之物。支配而供人之需也。驟視之。其理似不高明深淵。熟審之。則社會之萬象。莫不包羅於其中也。

生產之原素三。(一)土地。(二)人工。(三)資本。土地爲人類所依附而存者也。故無土地無人類。經濟學所謂之土地。不僅指陸地而言。凡海洋空氣。占有空間面積者。莫不爲土地也。然以經濟學原理言之。僅有土地而無人工資本。則物產仍不能成。故經濟學者。累千萬言。猶未畢其說也。我人對於土地與人工之界說。尙易明瞭。惟資本與人工之界說。最難區別。此卽社會主義家與經濟學者相爭之點。至今猶未解決者也。

經濟學家謂資本非金錢一項可盡其義。其人工造成之物產。消費之餘。以之補助發達物產。無在不爲資本。第所餘之物產。不以之爲生產事業。似與廢物無異。則不得謂爲資本矣。例如租人以屋。而收

土地不化
於陸地

資本不化
於金錢

其租金。雇人以車。而受其雇資。此屋此車。皆爲資本。屋而自居。車而自乘。則車與屋皆不能謂爲資本。以其自居自乘。不能生利故也。

世界文明進步。社會之組織日益複雜。事業之發生日益繁多。凡物產或金錢。以之生產者。可皆謂之資本。蓋資本既所以生產。而人工者。又所以生資本也。我人既如資本爲人工之出。則有人工已定。又何再需資本乎。殊不知生產必賴資料。無資料以供給生產者之費用。以待其生產之結果。其生產終無所出矣。魯濱孫之漂流海島。苟無斧以供其刈薪營室。無糧以供其果腹充饑。我知其不數日已爲荒島之餓鬼。尙何能待植穀之熟。荒地之闢耶。故斧與糧。供其生產之費用。其作用與資本同。謂之爲資本。固未嘗不可也。嘗考資本之來源。多由於文明祖傳。以供吾人今日之生產。欲窮其始。則未易知。綜上觀之。則資本與人工之關係。可略知其崖岸。而土地人工資本之同爲生產要素。又缺一而不可也。

分配云者。卽以土地人工資本所生之產物。按土地人工資本之分量。配成定例。此定例之原理。爲人類以來所固有。得經濟學者昌明之。遂成鐵案。而各種科學。均根據經濟學之原則而定矣。英國斯密亞丹 (ADAM SMITH) 氏出。始著經濟學文極有條理。其主腦以自由競爭爲前提。其英人之功利派。遂根據此而倡個人主義。求合於達爾文進化之理。

百年前英國社會經一變更。卽實業革命是也。曩日工業。皆爲人工製造。自科學發明。機器以興。實業

革命即以機器代人工也。曩之個人所恃爲競爭之具者。至此遂失其作用之效力。於是工人遂受一種之大痛苦矣。蓋是時英國航業發達。工商亦隨之發達。物產之多。爲全世界物品出產所。遂致富強。及世界取需既繁。英國之人工製造品不足以敷其用。故機器得繼而代人工之煩。於是生產既多。則國益富裕。雖然。人工與人工之比較。其生產力之差。不過二倍乃至十倍。機器與人工之比較。其生產力之差。竟有至百倍者。既機器之生產力較人工之生產力爲大。則用機器以生產者。亦較用人工以生產者爲多。於是人工多失其業。即機器生產所需之人工。又僅寥寥無幾。而人工之擁擠求業者。鱗次櫛比。不特所得之工資與所造之物產。不能成正比例。而殷殷求雇。不惜自貶其工價。其失業者。固淪落而受天演之淘汰。即有業者。亦以工價之賤。幾幾不能生存於社會矣。資本家既利用機械而增加產額。又以賤價雇用良工。坐享利益之豐。對於工人飢寒死亡之痛楚。漠然視之。以爲天演淘汰之公例。應如此者。按斯密亞丹經濟學生產之分配。地主占一部分。資本家占一部分。工人占一部分。遂謂其深合於經濟學之原理。殊不知此全額之生產。皆爲人工血汗所成。地主與資本家。坐享其全額三分之二之利。而工人所享三分之一之利。又析與多數之工人。則每一工人所得。較資本家所得者。其相去不亦遠乎。宜乎富者愈富。貧者愈貧。經費階級。愈趨愈遠。平民生計。遂盡爲資本家所奪矣。慈善家目擊心傷。而思有以救濟。於是社會主義遂放大光明於世界也。英社會主義家阿渾(OWEN)者。深痛工人之困苦。遂出己資。創設一極大之工廠。優待工人。爲社會主義之實行試驗場。旋以編制